

Mostra

RÅ ROA – Manuel Bauer y Ebba Olsson

Vernissage: 18.12.2024 dala 20:00 tl self dla mostres dla Lia Mostra d’Ert

Dureda dla mostra: 19.12.2024 – 12.01.2025

Orar de giaurida:

lunesc – venderdì: 16:00-19:00

sada y dumënia: 10:00-12:00 y 16:00-19:00

La maniera de co che ideas cruves se asila te n pruzes constant de mudamënt, nteressa nia mé la storia dl’ert, ma nce Ebba Olsson y Manuel Bauer. N descors che pea via cun n gran ntujiasm per po unì al pont: cie po n pa mo fé y te cie maniera?

Do trëi ani de stude adum tla Academia de Viena tla tlas per pitura astrata, prejenta y doi aristc posizions da ciavon. Scebën desfrëntes n cont da ulà che chestes ie pides via, ieles mpo coetans y se anconta almanca n cont dla geografia a Viena y sën tl Circolo.

Ebba Olsson ie nasciuda tl 2000 a Stockholm tla Svezia. Èila lëura danteraldut cun culëures acryl, péc de quant abinei (suvenz de pel), stofs de uni sort y laca.

Te si lëures vala nscì ncontra a na tlassica cunesciuda y urganisea pona da nuef si elemenc che mira na esistënza autonoma.

Manuel Bauer ie nasciu tl 2002 a Persenon. Èl lëura danteraldut cun culëures a uele.

Te si pitures se tratela suvenz dl “dut y nia”. La levina de imags vën pona filtreda y nterpreteda. Si lëures ie suvenz cuntrerres n cont dla temaiches y se damanda n usservadëur zit y delicat.

La mostra nituleda rã roa ie metuda adum da doi paroles: rã (svedesc per cruf) y roa (na roa de sasc). Propi a chësta temaica se siza la opres mustredes. Les ie cruves da una na pert y dal outra pert for n movimënt, propi sicche na roa che va for inó a fé su nueva furmazions ora dl passà.



CIRCOLO LIA MOSTRA D'ERT - URTIJËI
KREIS FÜR KUNST UND KULTUR - ST.ULRICH
CIRCOLO ARTISTICO E CULTURALE - ORTISEI

Plaza S. Antone 102

I - 39046 Urtijëi (BZ)

[http:// www.circolo.org](http://www.circolo.org)

info@circolo.eu

tel. +39 377-5936350